

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për mbrojtjen e konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16 dhe 83/18), dhe duke vepruar në bazë të njoftimit për përqendrim të parashtruar nga SALUS, tregtia me shumicë d.o.o., rruga Litostrojska 46A, 1000 Lubjanë, Slloveni, përmes avokates Andrea Lazarevska nga Shkupi, në seancën e mbajtur më 14.07.2023, solli

AKTVENDIM

Vërtetohet se përqendrimi që i referohet fitimit të kontrollit të vetëm nga SALUS, Tregtia me shumicë d.o.o., rruga Litostrojska 46A, 1000 Lubjanë, Slloveni mbi tregtinë, prodhimin dhe shërbimet FARMADENT d.o.o., Rruga Minazhikova nr. 6, Maribor, Slloveni, nëpërmjet shitblerjes së pjesëve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit të përqendrimit obligohet të paguajë taksë administrative për njoftimin e përqendrimit në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksë administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbarimin e aktvendimit.

Arsyetim

Në përputhje me nenit 15 të Ligjit për mbrojtjen e konkurrencës më 19.06.2023, plotësuar më 21.06.2023, në Komisionin për Mbrojtjen e Konkurrencës (në tekstin e mëtejme: Komisioni), është dorëzuar njoftim për përqendrim nga SALUS, Tregtia me shumicë d.o.o., rruga Litostrojska 46A, 1000 Lubjanë, Slloveni, me të cilën SALUS, Tregtia me shumicë d.o.o., do të fitoj kontroll të vetëm mbi FARMADENT d.o.o., Rruga Minazhikova nr. 6, Maribor, Slloveni, nëpërmjet shitblerjes së pjesëve.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin e Përqendrimit, shtesave dhe bashkëngjitjeve në të, përcaktoi si më poshtë:

Aktivitetet themelore të biznesit të ndërmarrjeve të përfshira:

SALUS, Tregti me shumicë, d.o.o. (Salus) është një ndërmarrje-bijë në pronësi të plotë të SALUS, Lubjana, d.d. e cila është shoqëri mëmë e grupit të shoqërive Salus ("Salus Group"). Grupi Salus gjeneron shumicën e të ardhurave të tij nëpërmjet ndërmarrjeve bijë të tij SALUS dhe Sanolejbor d.d. ("Sanolejbor"), aktivitetet kryesore të të cilit janë tregtia me shumicë (Salus dhe Sanolejbor) dhe tregtia me pakicë (Sanolejbor) e barnave, produkteve farmaceutike, ndihmave mjekësore, pajisjeve dhe materialeve mjekësore. Shoqëritë brenda Grupit Salus ofrojnë gjithashtu shërbime magazinimi, rregullatorë, shërbime farmakovigilence, marketing dhe promovim farmaceutik, farmakoekonomi.

Në Maqedoninë e Veriut, Grupi Salus është aktiv përmes ndërmarrjes bijë të tij CARSO PHARM, shpknjp Ilinden, rruga 34 nr. 5A, Ilinden, aktive në përfaqësimin dhe tregtimin e markave tregtare të prodhuesve kryesorë të produkteve farmaceutike.

Tregti, prodhim dhe shërbime **FARMADENT** d.o.o. (farmadent) është aktive në tregtinë me shumicë, kryesisht në tregtimin e ilaçeve për njerëzit, por edhe duke shitur produkte të tjera të kujdesit shëndetësor dhe mirëqenies, si ato të listuara më sipër për Salus (me përjashtim të pajisjeve mjekësore). Farmadent ka një ndërmarrje bijë në pronësi të plotë, GoFarm d.o.o. e cila është shitës me shumicë në zonat e sipërpërmendura.

Farmadent dhe GoFarm d.o.o. nuk janë aktive në Maqedoninë e Veriut.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij, veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjetin juridik

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

KRYETAR
I KOMISIONIT PËR MBROJTJEN E KONKURENCËS
Prof. Dr. Владимир Наумовски